

Message du Nouvel An – 2012

Mes Chers Compatriotes, bonsoir.

Alors ki nou pé accueille le nouvel an dans la paix et la tranquillité, beaucoup pays dans le monde pé faire face à bannes graves difficultés.

Le monde pé traverse par ène crise économique sans précédent.

Banne continents entiers pé fragilisé – notamment l'Europe et l'Amérique.

Même la Chine et l'Inde pé commence conne banne difficultés et zotte croissance pé ralenti.

Nous, Mauriciens, grâce notamment à l'action du gouvernement, nous fine moins affectés par la crise.

Bien sûr, nous aussi, nous éna nous problèmes mais li pas comparable avec ce ki banne les autres pays ki beaucoup plis grand et plis forts ki nous, pez vivre.

Naturellement, nous affectés par crise économique qui pé bouleverse l'Europe.

Depuis longtemps nous éna banne relations économiques et commerciales biens forts avec banne pays Européens comme la France, l'Angleterre, l'Italie et l'Allemagne.

Nous l'intérêts liés à ça banne pays là.

Quand zotte pé traverse par ène crise économique, obligatoirement li pou ena répercussions lors nous.

Heureusement, jusqu'ici – nous pays fine plutôt épargné.

Mais ça pas fine arrive par miracle !

Pas oublié – nous pays li au milieu ène l'Océan – loin de nous
banne marchés.

Nous pas riches en matières premières et nous population
pas aussi nombreux comment les autres pays.

Ène bon comparaison pour nous faire c'est avec Trinidad et
Tobago.

C'est 2 îles – ki plis ki deux fois grandeur nous pays, so
population presque pareil – 1.3 Million – et li aussi multi
ethnique.

Mais à la différence – li à côté l'Amérique – pays plis riche
au monde.

Et li ena pétrole.

Alors ki nou – nou fine faire ène croissance de 4.2% pou 2011

Trinidad et Tobago non seulement li pas fine faire croissance mais li fine reculé et li fine rentre dans recession.

Et pour l'année prochaine alors ki nou pé prévoir 4% de croissance, li so prévision c'est seulement 1.7%. – Et li pas ena ène welfare state comment nous, ni li donne l'éducation gratuite ou transport gratuit.

Et banne pays beaucoup plis fort ki nous ki ena ressources naturelles, fine conne ène croissance très très faible ou bien fine carrément rentre en récession.

Ça banne pays là fine obligé prend banne mesures drastiques d'économie en ce ki concerne banne services

publiques – par exemple, secteur la santé, secteur l'éducation, secteur transport.

En même temps des milliers de dimounes pé perdi zotte l'emploi et banne dimoune ki encore éna l'emploi – zotte la paye pé diminué et pension pé coupé – pas augmenté comment à Maurice.

Lors là ena fine augmente TVA. Et prix banne service publique et commodité de base pé continué augmenter.

Par contre ici dans Maurice, ki li welfare state, ki li l'éducation gratuite, ki li transport gratuit, tout fine préservé – et nou fine augmente dépenses pou tout les services publiques pou aide la classe moyenne et les plis faibles de nou société.

Tout ça la fine possible parce ki nou fine prévoyant. Nou ena ene vision à long terme, nou fine assuré ki nou banne institutions continué fonctionné et tout ça dans la stabilité politique.

Nou fine conne valorise nou banne atouts, nou fine innover, et prend banne mesures difficiles quand bizin.

Azordi nou PIB par tête d'habitant li presque 8,000 dollars et nou croissance 4.2%.

Mais si nou oulé continué progressé et améiore qualité la vie tout nou banne citoyens, nou pou bizin travail plus d'ûr, nou bizin augmente nou productivité et nou bizin faire preuve de discipline et d'intégrité.

C'est ça le prix de nou prospérité futur dans ene monde fragilisé.

Mes chers compatriotes,

La clé dans tout ça c'est la stabilité politique et sociale.

La population conné tout c'est ki mo fine faire pou qui nou pays garde so stabilité politique. Malgré comportement irresponsable et irréfléchis de certains politiciens qui tout Mauriciens ine condamné, nous fine garde le cap et nou pays fine reste stable et l'économie fine continué développé.

Zordi sa instabilité qui certains ti orchestré, li loin derrière nous. Banne qui pas fine capave assume zot responsabilité fine complètement marginalisé.

Moi, mo fine place l'intérêt nou pays avant tout.

Ou conné ena deux qualités politiciens:

Ene banne ki défend्रे zotte propres l'intérêt et l'intérêt zotte clan

et ene l'autre ki dans toutes les circonstances, placent l'intérêt de la nation avant tout.

Moi mo choix li fine toujours clair:

Mo fine place l'intérêt du pays avant tout et surtout quand l'intégrité et l'indépendance nou institutions en jeu et li pou coume ça aussi longtemps ki mo pou ou Premier Ministre.

Gouvernement fine trouve so cohésion et stabilité, ce ki permette nou consacré nou mieux à l'essentiel.

Qui été l'essentiel ?

- L'essentiel c'est l'avenir nou pays ;
- L'essentiel c'est l'avenir sakène d'entre nous et

- L'essentiel c'est l'avenir banne jeunes et banne générations à venir.

Mes chers compatriotes,

Mahatma Gandhi ti dire:

«Pou alle de l'avant, c'est pas l'histoire qui ou bizin refaire, ou bizin innover». Ça li toujours d'actualité.

Jusqu'à l'heure, nous fine réussi dans ène certaine mesure protège la population de la crise. Mais nous tout guette télévision. Nous tout écoute information. Nous conné qui la crise internationale pé vine de plus en plus grave.

Nous bizin très très vigilant vis à vis tout sa banne menaces économiques là.

Mais pas juste reste vigilant, nou bizin aussi consacrer tout nou l'énergie, tout nou efforts, tout nou ressources pou réalise nou programme économique et assure ène développement durable. C'est ça qui pou permette nous protège l'emploi. C'est ça qui pou permette nous améliore la vie tout banne Mauriciens. Et c'est ça mo priorité absolue !

Pou nou réussi, mo bizin soutien et solidarité tout banne forces vives du pays.

Nou tout oulé ene pays ki reste apaisé et stable.

Nou oulé vivre en paix avec nou voisin.

Nou oulé nou droits respecté. Nou pas oulé l'injustice.

Mauriciens fine toujours détesté l'injustice. Nou oulé ene pays moderne cotte nou tout en sécurité.

Mes chers compatriotes,

Au niveau de la sécurité et l'ordre public – qui mo coné c'est ène de banne préoccupations majeures de la population – nous pé continuer banne reforme pou modernise la police et permette ène service efficace et rapide. Taux criminalité fine baisse par 11% en 2011.

En ce qu'il s'agit du combat contre fraude et corruption, volonté qui mo gouvernement éna, li inébranlable. Mo donne ou la garantie : nous pou continuer donne l'ICAC tout les moyens nécessaires pou qui li capave faire ène travail permanent, dans la sérénité, contre corruption.

Nous bizin ène changement de mentalité et amène ène culture d'intégrité parmi banne citoyens. Péna personne –

peut importe so statut – qui au-dessus de la loi et qui capav
agir de manière frauduleuse sans conséquence. Chacène
bizin assume so responsabilité.

Nou fine aussi passe la loi pou consolide combat contre la
drogue et blanchiment l'argent. Banne autorités pou
capave saisi n'importe ki di bien ki fine acquis à travers
trafic la drogue.

Mes chers compatriotes,

Au cours de la dernière session parlementaire, nou fine
adopté banne la loi ki pose fondation même d'ène société
moderne et juste.

Depuis ki mo fine engage moi dans politique, mo fine toujours animé par la volonté pou créer ène société tourné vers la modernité, kot ena égalité de chances.

Mo fier, ki c'est mo gouvernement ki fine passe le Equal Opportunities Act et fine crée ene Equal Opportunities Commission ki pou fonctionne en toute indépendance et pou veiller à ce ki péna aukene discrimination ki pratiquer contre n'importe ki Mauricien.

Deuxièmement, nou fine amende nou constitution pou assuré ki au moins 1/3 banne candidats pou élections municipales et villageoise pou banne femmes.

C'est ene droit légitime de banne femmes et li ene grand pas vers égalité entre homme et femme.

Troisièmement, mo ti mette sur pied ene Commission Justice et Vérité pou faire la lumière lors banne séquelles traitement ki nou banne ancêtres esclaves et travailleurs engagés fine subir.

Li ti important ki nou réferme ça l'épisode douloureux de nou l'histoire et nou remette nou l'histoire li même en perspective.

La Commission fine soumette so rapport et mo fine nomme tout de suite ene Comité Ministériel pou étudier so banne recommandations.

Mes chers compatriotes,

Depuis longtemps nou pé cause la nécessité d'ene reforme électorale.

L'ancien gouvernement ti commandite Rapport Sachs ki fine soumette en Janvier 2002.

Mais finalement li fine reste sans suite.

Reforme électorale faire partie nou manifeste de 2010 et li dans discours programme gouvernement.

Mo ti dire ki pou ena ene rapport bien avant les prochaines élections de 2015.

Mo fine tenir parole.

Le 14 Septembre 2011 mo fine demande trois éminents professeurs de droit Constitutionnel travaille lors ça projet la et faire banne suggestions pou consolide et modernise nou démocratie.

Et mo ti précisé ki mo ti souhaité gagne rapport là avant la fin de l'année et mo ti établi 3 objectifs :-

- (1) L'efficacité
- (2) L'équité
- (3) La diversité

Et mo ti dire zotte ki autant que possible nou bizin alle vers parité homme-femme.

Et li ti pou aussi souhaitable ki pas augmente le nombre de députés.

Lors ene quitchose mo ti très clair :

Bizin ki rapport là pas guette l'intérêt Premier Ministre ou bien banne partis politiques.

Bizin ki rapport là guette l'intérêt de la République de Maurice.

C'est le pays ki bizin passe avant tout.

Et si ou guette zotte méthode, ou pou trouvé ki zotte fine travaille en toute indépendance et dans la transparence.

Ene débat fine déjà commencé sur le rapport.

Mes chers compatriotes,

Reforme électorale li pas concerne juste banne politiciens.

Li concerne toute la population. Li normal ki tout dimoune exprime li lors ene projet aussi important.

Mo ti a content ici, ce soir, faire ène l'appel à tout banne politiciens: Mo demane zotte réfléchi avec ene l'esprit ouvert et pas guetté ki chacène pou gagné la dans, mais réfléchi pou guetté ki la République de Maurice pou gagné.

Mes chers compatriotes,

Dans mo message à la nation le 12 mars 2008 mo ti demande zotte eski li pas fine l'heure, 40 ans après

l'indépendance – ki nou arrête guette nous en termes de communautés mais plutôt en terme de Mauriciens.

Quand nou en dehors Maurice, nou tout dire nou Mauriciens.

Ki faire quand nou dans Maurice, nou pas capave dire nou Mauriciens avant tout.

Ena dimounes continué pense en terme communale sans doute pou zotte propre l'intérêt. Ena même pé continué joué lors l'émotion.

Mo pose banne Mauriciens, surtout banne jeunes, ene question : Eski 44 ans après l'indépendance ou trouve li normal ki chaque candidat pour élection générale bizin dire ki communauté li appartenir ?

Ou croire c'est comme ça ki nou capave batîr ène nation ?

Pou ou vine ene nation ou bizin ena ene identité nationale.

Sans identité nationale pas ena l'unité nationale.

En 2008 mo ti aussi dire où – li essentiel ki n'importe ki reforme nou adopté bizin assuré ki tout dimoune représenté dans Parlement et ki mo pas pou d'accord ki aucène communauté senti li lésé.

Ça li pou totalelement inacceptable !

Pou moi nou bizin pense en terme de nation Mauricienne.

La République de Maurice c'est tout les Mauriciens sans distinction.

Ene lotte quitchose ki mo trouve très bon et mo sûr nou tout pou d'accord – d'ailleurs Rapport Sachs aussi dire li –

nou bizin assuré ki nombre de femmes candidates augmenté considérablement.

Par contre mo éna certains réserves lors Rapport Carcassonne mais comment mo fine dire – nou bizin analyse li aussi bien ki Rapport Sachs et guette l'opinion les autres mais dans ène façon dépassionné et gardant toujours en tête l'intérêt de la Nation.

Mo éna l'intention dans les jours à venir lance banne consultations lors rapport Carcassonne.

Ce ki nou bizin faire, c'est discute tout banne propositions – sans guette li en terme ki l'avantages chaque parti politique capave tiré.

En tout cas, moi mo refuse engage moi lors ça la voie là.

Ene réforme électorale c'est pou perfectionne la démocratie et non pas ène moyen pou favorise l'intérêt tel ou tel parti.

Pas capave cause réforme électorale – sans assure moralisation de la vie politique.

Pou ça éna deux lotte quitchoses ki nou bizin discutés aussi :

(1) C'est trouve ène système de financement public et transparent pou banne partis politiques.

Principe la simple: l'argent pas capave ene obstacle au combat des idées.

Mo pensé ki c'est l'état ki bizin finance banne partis politiques pendant ène campagne électorale avec ène plafond strictement limité.

Et

(2) – moi mo croire ki nou bizin durci banne sanctions contre banne politiciens trouvés coupables de corruption.

Banne élus du peuple bizin irréprochables.

Réforme électorale et moralisation la vie politique c'est 2 piliers lors lesquels nou capave bâtir ène République plis moderne.

Mo souhaite de tout cœur ki nou prend soin ki débat là passe dans ène atmosphère serein et sérieux et non pas dans la précipitation et dans polémique.

Nou bizin saisi ça chance historique là pou faire démocratie progressé dans nou pays.

Mo invite tout banne Mauriciens participe à la construction d'une République moderne.

Mes chers compatriotes,

Malgré ralentissement économique mondial, nou pays fine lance li dans ène grand programme de modernisation sur tout les fronts.

Tout banne Mauriciens ine constaté qui nou pays pé conne ène transformation, ene modernisation extraordinaire de nou banne infrastructure routière. Le paysage routier du 21^{ème} siècle pé prend naissance devant nous.

Mes chers compatriotes,

Le projet Maurice Ile Durable, comment mo fine toujours dire li, c'est ene projet fondamental de société ki mo ena pou nou pays.

Maurice Ile Durable li réponde à ene exigence pou relève banne défis graves ki crise écologique pez posé pou nou planète.

C'est ene crise de l'énergie, de l'eau et des ressources naturelles.

Au-delà de la volonté politique, nou bizin trouve la méthode et démarche approprié et bien évidemment bannes hommes et femmes ki alliés compétences techniques et intelligence écologiques pou assure banne réalisations concrètes.

2011 fine ene l'année cruciale pou projet MID.

2012 pou ene l'année décisive.

La commission MID pé finalise so plan et pou présente li au sommet de Rio sur l'environnement dans quelques mois.

Mes chers compatriotes,

Tout banne actions ki gouvernement pé prend depuis 2005 forme partie de mo vision globale pou modernise nou pays.

Nou pez continué gère l'économie avec efficacité. Nou pez amène banne reformes en profondeur sans ki nou oublié l'environnement et la justice sociale.

Mais dans ene pays tourné vers la modernité, la culture ena ene rôle important.

Aukène pays, aukène peuple pas atteindre so vraie dimension sans so l'expression culturelle.

Banne artistes c'est toujours banne visionnaires.

Nous fine lance banne projets culturels d'importance historique comment Musée d'Art National.

Ça l'année la en septembre, nou pays pou organise ène Salon International du Livre kot plis ki 50 écrivains du monde entier et banne écrivains mauriciens pou participer. C'est ène évènement culturel d'ène envergure exceptionnel. Nous pou gagne bientôt ène l'Orchestre symphonique national kot nou banne jeunes musiciens pou kapav atteindre ène niveau international.

Mes chers compatriotes,

Nous pé accueille la nouvelle année dans la sérénité et avec détermination pou faire face à banne grands défis de l'année ki pez commencé.

Ensam nou fine déjà faire beaucoup progrès.

Et nou capave fier de ce ki nou fine réalisé.

Mais progrès c'est pas ene destination, c'est ene la route sans fin.

Nou pas capave prend narien comme acquis.

Nou bizin continué travail la main dans la main, dans l'unité pou construire ene meilleur l'avenir pou nou, nou banne enfants et banne générations futures.

Chacene d'entre nou bizin amène so contribution.

Mo pou toujours a zotte coté pou construire nou l'avenir ensam.

Ce soir, Veena et moi-même souhaite zotte tout – qui zotte vive dans Maurice, Rodrigues, Agaléga ou St Brandon – bonne année, bonheur et prospérité. Nous éna aussi ène pensée spéciale pou tout nou banne grands dimoune qui sans zotte zefforts, nous pas ti pou arrive là azordi.

Ensam, nous capave avancer dans l'unité, l'égalité et la modernité.

Merci pou zotte l'attention.

Bonsoir.
